



鼎峙春秋 第三本卷之上

第一齣 犯令詐戕旋割髮

先天韻

雜扮八軍士各戴馬夫巾穿箭袖卒褂執旗雜扮八將官各  
 戴打仗盔穿打仗甲執標鎗雜扮二中軍各戴中軍帽穿中  
 軍褂佩刀執令旗丑扮曹昂曹安昆各戴紫巾額紫靠繫囊  
 韃引淨扮曹操戴嵌龍幘頭穿蟒束玉帶佩劍從上場門上

唱

中呂調  
合套

粉蝶兒

號令申傳

韻

俺可也

號令申傳

疊

如違法無容

寬憲。韻平日裏集英賢講學韶鈴。韻論孫吳。句齊步伐。句軍

威始建。韻且休要把金鼓喧闐。韻效韓侯陳倉暗蹊。韻塲上

說高臺公案桌椅曹操陞座科白

天子今朝幸許都征誅賞

罰盡由吾宛城未靖留餘孽親自提戈去掃除老夫曹操字

孟德沛國譙郡人也為因李傕郭汜造逆救駕有功進爵魏

公位居丞相劍履上殿恩榮並及可謂人生之幸也昨有操

事人道張繡兵屯宛城大有窺覷許都之意乘他未曾舉動

吾欲先點兵前往征討今日陞帳發令起師中軍吩咐開門

中軍應作傳科內奏樂雜扮大刀手各戴大頁巾穿箭袖排

穗執大刀從兩塲門上作開門科衆扮夏侯惇許褚曹洪典

常夏侯淵于禁樂進李典各戴盔紫靠佩劍從兩塲門上全

作進門科大刀手從兩塲門分下衆將白丞相在上衆將打

躬曹操白侍立兩傍衆應作分侍立科曹操白今發討逆之

兵共破不臣之寇兵衆路遙軍威浩大此去清水阻隔關城

若由小路可近數里之程爾等以為何如衆白丞相高見吾

等恭聽發令施行曹操白大小三軍聽吾號令衆應科曹操

白自今起行人啣拉馬去鈴捲旗息鼓行從小路不許騷擾  
百姓時屆暮春麥秋將至如有踏害禾苗者定按軍法梟首  
示衆衆應曹操白就此起兵前去作下高臺隨撤公案桌椅  
曹操衆將作上馬科雜扮一軍士戴馬夫巾穿箭袖繫肚囊  
執纛從上場門暗上衆作遶場科全唱

中呂宮  
合套

泣顏回各自戒嘩喧韻同寂靜誰敢聲言韻看行軍徐

步句恰無箇落後驅前韻夏候惇傳科白前面都是麥田了

小心軍令而行衆應科全唱風來波捲韻麥浪滾讀人似行

河面韻夏候惇白前面路窄各當牽馬步行衆應各作下馬

牽行科全唱合早隄防失足傷苗句犯嚴刑一時難免韻曹

操白呀你看千軍萬馬無不小心遵行也唱

中呂調  
合套

石榴花韻俺只待徐行緩轡起營連韻休傍著禾黍近民

躔韻只看俺金鞭玉勒旗幟高牽韻須防步履韻踏壞青

田韻且前行莫俄延韻且前行莫俄延疊馬蹄休把瓊苗踐

且莫要軍規違犯句今出難悛韻天井下烏鴉作噪科衆

全唱飛鴉兒噪軍前韻飛鴉兒噪軍前疊曹操令曹昂曹安

民射科曹昂曹安民應作射烏鴉落地科曹操馬作驚詫跪  
踏禾苗科全唱 **王章法號你輕憲**。韻可無奈 **違法認當先**。韻

曹操下馬作拔劍欲自刎科曹昂等作抱劍跪求科白 爹爹

何故輕生、衆白丞相、你要如此執法、曹操白言出令隨、你得

勸阻、閃開、欲自刎科衆白此乃鴉飛驚馬、與丞相何干、曹操

白公等欲陷操于不義乎、衆白古者春秋之義、法不加尊、丞

相總統大將、况是馬驚詫眼、豈可自殘、望主公三思、全唱

中呂宮 泣顏回 齊來。句 跪勸 望息雷電。韻 大元戎何必執見。韻

曹操白罷了、既春秋有法不加尊者之義、且從衆將之言、其

令不可不行、作割髮科白權將吾髮、以待吾首、李典接髮科

曹操白將此馬斬訖報來、以正軍令、傳示軍中、典常應作牽

馬下暗上衆白呀、好嚴令也、全唱這元戎執法、句 服軍心各

當黽勉。韻 令雖自免。韻 剪頭髮、讀馬首人多見。韻合 萬軍中

早已傳聞。句 正軍令不留情面。韻 曹操白大小三軍、就此整

隊前行、衆應曹操作換馬乘科唱

中呂調 上小樓 犯軍令當覷覷。韻 斷頭髮全顏面。韻 再休提威

令三申。句再休提威令三申。疊割髮抵頭。句以正軍前。韻雜

抄四軍卒各戴馬夫巾穿箭袖卒褂從兩場門暗上曹操白

夏侯惇聽令。夏夏侯應科曹操白 你統領前軍先往消水相

地立營大軍隨後。夏夏侯應科引四軍卒從下場門下曹操

白你看前軍已動吩咐後隊軍士緩緩而行。衆應科全唱著

他行相地安營。句著他行相地安營。疊莫生妄動。句好把賊

殄。韻看前鋒軍行如電。韻衆白 將近宛城。曹操白 傳令前軍

可揀寬濶地面暫且安營。衆作遠場科全唱

中呂調  
合套

疊字令犯曠野行來不遠。韻勇壯軍兵不倦。韻博得箇

漢馬功。句須同把忠心現。韻捱捱擠擠。句接踵摩肩。韻馬嘶

風塵。讀身勞何憚。叶俺這里壓地兵來。句俺這里壓地兵來。

疊 趕趕干城。句威風一片。韻指日裡。讀功成齊唱凱歌還。韻

全從下場門下

鼎峙春秋

第三本卷之上

第二齣 勸降納款即呈圖

蕭豪韻

雜扮八軍卒各戴馬夫巾穿箭袖卒裨引生扮張繡戴盔紮靠背令旗襲蟒束帶從上場門上唱

仙呂 劍器令 權且守城壕。韻 這小郡難堪守保。韻 奈四方莫

雄並起。句 紛紛各建旌旄。韻 中場設椅轉場坐科白 自亂黃

巾居宛城危邦守業待時興、而今曹賊專權日、四海紛紛起  
戰爭、吾乃張繡長安人也、父母早亡、相隨叔父張濟、曾讀兵

書、學成武藝、叔父官爲標騎將軍、引兵攻戰南陽、爲流矢所  
中、回寨身亡、我收斂殘兵、屯在宛城、以窺動靜、幸有賈詡頗  
諳兵法、其人乃李傕郭汜帳下參軍、後因他二人自相殘妬、  
不納忠言、賈詡遂棄李郭、來投吾郡、因見他足智多謀、用爲  
參贊、幾年以來、養精銳氣、遂成一小國之勢、近因天子懦弱、  
君柄下移、曹操專權、挾天子以立威名、令諸侯而專征伐、視  
有吞併之心、終爲其害、意欲結連劉表、共滅曹賊、不想他先  
已提兵到此、爲今之計、勢孤力寡、進退兩難、暫委張先雷叙

守城、以待賈詡到來、再同商議便了、左右、賈先生到時、急忙  
通報、軍卒應科張繡起隨撤椅科張繡白正是、且張精勇隊、

以待遠來軍、全從下場門下李典等內白衆將官、與我圍住

宛城、緊緊攻打者、雜扮八軍士各戴馬夫巾穿箭袖卒掛執

兵器雜扮八將官各戴打仕盔穿打仕甲執兵器引衆扮夏

侯惇于禁夏侯淵李典各戴盔繫靠持兵器從上場門上全

唱

仙呂宮  
正曲

風入松 圍城攻戰兩相交。  
須全志軍行威號。  
雄師



數萬把危城掃。韻看指日定成功効。韻合博得箇勳名建標。  
方顯得大功超。韻從下場門圍下末扮賈誦戴綸巾穿

韻方顯得大功超。韻從下場門圍下末扮賈誦戴綸巾穿  
不好了。唱

仙呂宮  
正曲

急三鎗聽軍鬧。句列戈矛圍城繞。韻催軍鼓殺聲

高。韻應難抗。句響連珠轟天砲。韻合焚玉石莫能逃。韻

白主公在那里、主公在那里、軍卒引張繡從下場門上張繡

白買先生、為有這等慌張、賈誦白主公不好了、那曹操統領

雄兵一十五萬、將這宛城圍圍圍住、危在旦夕、請主公早為

定見、張繡虛白驚訝科唱

仙呂宮  
正曲

風入松重圍佈密困吾曹。韻四方志盡付蒿草。韻亡家

傾國須臾到。韻旦夕間孤城難保。韻合則落得憂心細擣。韻

為今計費推敲。韻場上說椅悶坐科賈誦唱

仙呂宮  
正曲

急三鎗無良策。句獻版圖書降表。韻安黎庶保城

壕。韻頻眺望。句勢倒懸入圈套。韻合到如今禍臨頭歸

須早。韻張繡白悔不聽先生之言、而遭此禍、賈誦白為今之

計、必須納降曹公、上可以保城池、下可以安黎庶、望主公早

為之計、張繡白 先生所言雖善、那曹操志在四方、來者不善、

豈肯納一紙降書、而退萬軍之意乎、賈詡白 憑詡三寸不爛

之舌、管使曹軍倒戈而退、張繡白 事已至此、就勞先生一往、

賈詡白 雖然如此、曹操性詐而多疑、可將地圖版籍、呈獻曹

營、主公自縛轅門、負罪投誠、曹沾納士之名、如見此請、彼無

疑也、張繡白 先生高見、吾當遵教前行、作顧左右科白 左右、

可將圖籍捧了、同賈先生前往、一軍卒應作向下取圖籍科

賈詡白 主公全憑圖籍作陰符、伏首營門待罪輸、四軍卒隨

賈詡從下場門下張繡起隨撤椅張繡嘆科白 為憶萬民生

命計也罷、權將壯志效愚夫、從下場門下軍卒隨下

鼎峙春秋

第三本卷之上

第三齣

尤物移人禍已胎

先天韻

旦扮春梅穿衫背心繫汗巾隨旦扮鄒氏穿氅從上場門上

唱

正宮

錦纏道

暮春天

韻

照霜帏淒涼慘然

韻

是破國孤臣眷

韻

屬誰箇

讀也

溫香玉軟生憐

韻

中場設椅轉場坐科白

奴

家鄒氏嫁為張門繼室丈夫張濟戰陣身亡賴有夫姪張繡  
退守宛城得以相傍雖然食足衣豐怎奈形單影隻寢興寤

寐、總在愁城、作嘆科唱難割捨淚珠如線。韻無奈這寸光陰

春宵幾見。韻細思量奈何天。韻含情恨琴斷朱絃。韻雖持這

家園。韻合好景反成悲怨。韻四時若箇自消遣。韻春梅白夫

人、這天和氣暖之候、當樂春光、爲何獨坐房中、愁思自嘆、奴

婢同著夫人、到花園中走走罷。韻春梅白春梅、唱

正正曲小桃紅 我懶步進花園。韻怕蝶蜂將人戀。韻春梅白夫

人既懶步花園、可操操琴罷。韻春梅白春梅、唱 你提起相如調

弄文君羨。韻早難道宮商譜入湘妃怨。韻春梅白不然、看看

書罷、韻春梅白 唱合說甚麼芸香薤葉經和典。韻無情緒懶把瑤

篇。韻春梅白 花園不去、看書又煩。作背想科白有了、今早來

安說、小主人獻了城池、曹兵進城、滿街上都是曹軍、不免哄

夫人、往西樓牆畔、窺望窺望便了。作向春梅白 噯夫人、今早

聽得來安說、曹公入城、六街三市、盡是曹軍、都說是許都人

物清奇、衣中華麗、另是一般風俗、夫人爲何不觀望觀望去、

韻春梅白 什麼好看、唱

正正曲宮傾盃賺 不由人願。韻我破家事業今朝變。韻自嗟怨。韻

眉鎖春山不自然。韻命偃蹇。韻舊城池看新人面。韻亡夫飲

恨一命捐。韻丑扮來安戴羅帽穿院子衣繫帶帶從上場門

上白有事忙通報、無言莫浪傳、春梅姐那里、春梅作出門科

白來了、有何話說、來安白有雷夫人要請夫人、同在樓上望

望熱鬧、現在西閣等候、春梅白曉得了、你自迴避、來安仍從

上場門下春梅作進門科白稟夫人、雷夫人現在西園等候、

也是要請夫人上樓耍子、鄒氏白既如此、我與你走遭便了、

作起隨撒椅鄒氏扶春梅行科唱恨追晚、叶為甚的拋家業

閃。韻空生悲怨。韻空生悲怨。疊從下場門下丑扮曹昂曹安

昆各戴武生巾穿花道袍引淨扮曹操戴九梁巾穿出襪從

上場門上唱

正宮金殿喜重重、除離藁鞦、我乘閒遊觀、讀仰觀地勢山

川。韻這宛城固壁、韻六市聯綿、韻商賈奔忙去籍、韻看朱戶

重垣。韻恰是民風淳厚、句來到通衢市廛、韻旦扮雷夫人穿

驚旦扮一侍女穿衫背心繫汗巾全鄒氏春梅暗上樓科樓

上作設桌椅雷夫人鄒氏各坐科侍女作送茶科曹操作望

樓見鄒比科虛白唱合 驀見仙姬嬌樣句 好教我魂蕩心迷

讀 幾墮絲鞭韻復看鄒比科鄒比作遮羞科曹操等虛白從

下場門下鄒比白 你看官軍如蟻聚雲屯來來往往好不匆

忙也雷夫人白 日已垂西我們回去罷鄒比白 有理各起隨

撤桌椅科鄒比等全唱

正宮 刷子序 移步金蓮韻 漫下雲梯讀 興致便便韻 看那強

軍烈驥韻 爭如靜守居間叶 詳端叶 看一例奇容相貌句 盡

都是征夫雄健韻合 只是這未定危城句 好教人心意願連

韻從仙樓下雜扮軍士各戴馬夫中穿箭袖卒掛引曹昂曹

安昆曹操全從上場門上曹操唱

正宮 朱奴兒 誰家的傾城少媛韻 盈盈態癡嬌婉韻 慕想

他瓊樓倚麗仙韻 頻使我魂飛碧天韻合 則索願韻 成就這

鳳倒鸞顛韻 還得箇一絲紅線韻中場說椅轉場坐科白 適

纔樓上少婦頗有姿色不知是誰家宅眷曹安昆白 小姪聞

聽那婦人乃張繡叔父張濟之繼室鄒比現在青春寡居曹

操起隨撤椅科曹操白 賢姪可知我作住口笑科白 滿懷心

腹事、曹安民白盡在不言中、曹操笑科從下場門下曹昂隨  
下曹安民白謾道元戎不愛色、附和將校善知音、可笑我家  
丞相、適纔城內閑遊、偶見樓中麗婦、頓起春心、當著衆軍、難  
以開口、我想丞相總握兵權、朝綱獨霸、何思不有、我不免趁  
此機會、率衆將鄒氏搶至營中、獻與丞相也、見我心腹體貼  
之意便了、衆將校就此前去、衆應科曹安民白正是、你提求  
富執鞭、且自逢迎、獲寵親、從下場門下隨槍鄒氏春梅從  
下場門上雜扮車夫戴馬夫巾穿箭袖繫肚囊推車從上場

門上衆擁鄒氏春梅上車科遠場從下場門下

鼎峙春秋

第三本卷之上

第四齣 醇醪悞事軍全潰

江陽韻

雜扮四將官各戴打仕盔穿打仕甲淨扮胡車兒戴紫巾穿  
蟒箭袖繫帶引生扮張繡戴盔紫靠背令旗從上場門上

唱

中呂宮引紫蘇丸 平生氣宇自昂藏。到如今伏首依強。

說椅轉場坐科末扮賈誦戴綸巾穿出租從上場門上唱

養

虎貽患終成殃。獸心人面恐難防。我張繡、昨同



賈詡料理九軍、供給事務、天晚未回、今聞城市遍謠、皆言吾  
婿、並了環僕婦、俱被曹營劫去、天吶、若果有此事、我張繡、有  
何顏面、立在人間、爲此急急歸家、便知端的、賈詡白 主公、此  
事不可暴躁、我與主人、同從關前、疑步徐行、訊問虛實、再行  
計議、便了、雜扮蒼頭戴羅帽穿院子衣繫帶帶從上場門上  
白 忙將被擄事、報與主公知、作進見科白 主人在上、張安叩  
見、張繡白 張安、我正要問你、昨晚、家中有何兇事、你可細細  
說來、蒼頭白 阿呀老爺、昨晚二更時分、曹軍一夥、打入府門、

不容分說、竟將老夫人同春梅、竟自搶去了、張繡白 怎麼講、

蒼頭白 竟搶去了、從上場門暗下張繡起作恨怒科 賈詡等

勸慰科 張繡白 皇天吶、皇天、吾只因寡難勝衆、不得已而投

降、平心而論、乃是歸順天朝、不失一城郡守、我與曹操、臣同

一殿、今據其勢、欺我家門、作忿恨復坐科 賈詡白 主公、現今

曹操一軍、駐紮、所仗者、典當一人、今借其事、主公千萬不可  
進城、現有本城火牌軍五百、撥與典當管領、主公可暗使巡  
警佈告、令半夜信火爲號、可劫曹營、吾在驛館、設酒一席、請

常赴宴、勤勤彼一醉、再送歸營、向胡車白倒有一箇妙計、  
惟恐將軍不肯前往、胡車白先生說那里話來、自居宛城、深  
蒙主公厚恩、今遭不幸、正當同心、以圖報効、焉肯坐視、若有  
用我之處、赴湯蹈火、萬死不辭、賈詡白噫、將軍萬死不辭、好、  
真是有膽量的漢子、今日此舉、皆在你一人身上、今晚典常  
必醉回營、你可伏侍同去、盜了敵將雙戟、混入亂軍之中、典  
常兵器已失、則曹操不難擒矣、向張繡白主公、自去料理軍  
務、我與胡將軍自有計議、就此各任其事便了、張繡嘆科白

俯首依人非久計、起隨撤椅科賈詡白主公、危城暫保待時  
來、張繡從下場門下將官隨下胡車兒隨賈詡作出門從下

場門下雜扮四家將各戴大頁巾穿箭袖排穗引淨扮曹操  
戴九梁巾穿氅從上場門上唱

中呂宮粉孩兒、博得箇、讀榮膺節鉞坐明堂、讀任征伐誅逆、讀

正曲除亂平莽、韻服軍威令四海揚、韻平諸鎮名定八荒、韻中場

說椅轉場坐科白

宛城搃報、時屆端陽、適將諸營安置、正宜

旨酒開懷、雜扮二旗牌各戴小頁巾穿箭袖排穗執禮單從

上場門上白 啟相爺、有張繡遣人、送來羊百隻、酒百罈、粽果

數盒、以犒軍用、曹操白 如此、你二人可將一半交與典當、散

與前哨諸營、再將一半交與曹昂曹安民、賫往大軍營內、犒

賞三軍、唱合 定宛城新業開疆、做一箇宴樂端陽、韻二旗

牌應科從下場門下曹操白 時屆天中、當開筵慶賞、爾等迴

避、家將應從兩場門分下曹操向內白 春梅、快請夫人出來、

且扮春梅穿衫背心繫汗巾隨旦扮鄒氏穿氅從上場門上

白 自作英雄婦、追隨帳幄中、妾身拜見、曹操起隨撤椅科曹

操白 我與夫人緣定三生、正逢端陽、我與你旨酒為樂、鄒氏

白 妾身雖侍丞相、奈夫姪張繡執性、恐不穩便、曹操白 那箇

不妨、吾已派他郊外查核地畝、料不回來、住兵三日、就要回

都、必以夫人為正室、鄒氏白 多謝丞相、曹操白 看酒來、春梅

應場上作設筵席桌椅各坐科曹操唱

中呂宮 正曲 紅芍藥 天中慶、節屆端陽、飲雄酒艾葉舒香、趁

著你芙蓉映海棠、羅帳中姣含春漾、勝瓊漿、仙露盃

中放、怎奈我酒醉慾狂、天熱炎蒸、同夫人後帳寬飲

罷、全起隨撤桌椅科曹操唱合趁時光再進壺觴韻好做箇

兩兩鴛鴦韻春梅持燈籠引曹操作醉態科全鄒氏從下場

門下雜扮二將官各戴打仗盔穿打仗甲持燈籠引淨扮典

常戴烟毡帽穿箭袖繫靠裙披科後作醉狀扶胡車兒從上

場門上典常唱

中呂宮要孩兒休把瓊漿恁勸強韻宴樂蒙君意句喫得俺醉

步踉蹌韻伊行韻且休提讀有酒無過量韻作到營科雜扮

四更卒各戴鷹翎帽穿布箭袖卒掛持燈籠柳籬從兩場門

上作接科典常作向二將官白天已昏黑傳與諸營嚴行巡

邏不可偷安二將官應科從下場門下典常白後營可有令

下更卒白道纔傳下籌來中軍掩帳主公安寢了典常白既

如此我今帶酒身乏爾等好生巡邏去罷更卒應科從上場

門下典常白車兒扶我歸帳唱合須送我讀安睡中軍帳韻

守圍屏防春漾韻場上設帳房胡車兒扶典常入帳房科內

起更四更卒從上場門上虛白打更發譚科從下場門下雜

扮八火牌軍各戴馬夫巾穿勇字襖繫帶分執火把長鎗

雜扮將官各戴打仗盔穿打仗甲執弓箭雜扮雷紀張先各

戴紫巾額穿打仗甲持兵器引張繡持鎗從上場門上全唱

中呂宮  
正曲

會河陽。想彼曹軍，未必隄防。今朝一戰渠魁。我

安邦。洗却污名，威風抑揚。那時節心中暢。

吾料曹營已詐，彼不知我軍多少，不能戀戰，必投大路。彼眾

我寡，兵毛不敷，只可隨戰隨擊，得誘曹軍過了白河，我軍奮

力先斷橋樑，以絕回軍之望。眾將官就此分兵前去埋伏者，

眾應科全唱合須忙。趁曹賊春情放。急忙。趁典賊迷

佳釀。韻從下場門下內打二更胡車兒從帳房內梢上白受

人之託，必當終人之事。且喜典常已醉，營中寂靜無聲，吾不

免盜了雙戟，潛於帳外，再等信火起處，混在曹軍陣中，相機

行事便了。作進帳盜戟出科白妙哉妙哉，兩戟已到吾手，不

免等候劫營便了，不施萬丈深潭計，怎得驪龍領下珠。四更

卒從下場門暗上胡車兒作撞科四更卒白你是何人，胡車

兒作刺死更卒科從上場門下火牌軍引張繡從上場門上

全唱

中呂宮  
正曲

縷縷金須把這。句 戈戟張。韻 催軍騰萬騎。句 鼓聲。韻

號火飛空起。句 金蛇煬晃。韻 摧鋒破敵有誰當。韻 合 直衝中

軍帳。韻 直衝中軍帳。韻 張繡白 就此放火、從上場門下眾軍

應作放火內放砲吶喊科典常作出帳房唬醒虛白作摸乾

不得科火牌軍圍戰典常持一帳竿冲殺火牌軍作圍住科

典常擒住一軍作劈兩半攔陣科打火牌軍從下場門下曹

操鄒氏各作披衣從上場門跌上虛白跑科曹操從下場門

跑下四將官從上場門上作殺死鄒氏科丑扮曹昂曹安民

各戴紫巾額紫靠持兵器從上場門追上戰科將官敗從下

場門下張先雷叙從上場門上接戰科曹昂曹安民從下場

門敗下張先雷叙追下張繡胡車兒追典常從上場門上戰

科張繡白放箭、四將官持弓箭從上場門上作射科張繡刺

死典常科火牌軍從兩場門上張繡白 擡過了、眾應作擡典

常屍下隨上張繡白 典常已死、眾將官可曾看見曹操、眾白

走了、張繡白 與我趕上、眾應科從下場門追下曹昂曹安民

我曹操從上場門急上曹操唱

中呂宮  
正曲

越恁好 驚聞鼓振。驚聞鼓振。魂夢在何鄉。尋盛

問甲。覓戰騎。我刀鎗。不知逃命奔何方。殺得憐香心

毘。韻張先雷叙從上場門追上戰科曹操從下場門逃下曹

安民從下場門敗下雷叙追下張先追曹昂戰科將官從兩

場門圍上放箭科張先作刺死曹昂科張先白曹昂已死衆

軍校與我緊緊追上不要放走了曹操衆應科全唱合速攻

讀 踴連營也誰相抗。急攻尋曹瞞也休相放。韻從下場

門下雷叙追曹安民從上場門上戰作殺死曹安民科從下

場門下雜扮八軍士各戴馬夫巾穿箭袖平裱執兵器引衆

扮許褚于禁夏侯惇樂進夏侯淵李典曹洪各戴盔紮靠持

兵器從上場門上全白方纔探子來報說主公營中火起被

張繡劫營爲此前來救應從下場門下曹操從上場門跑上

張繡追上射倒曹操坐騎科曹操從下場門逃下曹洪等七

大將從下場門上截戰科胡車兒從上場門上作救張繡從

下場門下曹將等追下兩家兵將陸續從上場門上交戰合

戰科曹衆從下場門敗下繡軍追下曹洪等七大將從上場

門上作虛白尋找科曹操從上場門急上作慌張科八軍  
士從兩場門暗上曹洪等白 衆將救應來遲望丞相恕罪、曹  
操白 孤住敵營先於檢點與衆將何罪、衆將白 暫請丞相過  
了白河安營再議、曹操白 罷了罷了吾自行兵以來未有此  
先待回許都再整雄師一旅務誅張繡且過長橋聚集殘兵  
便了、衆應科全唱

中呂宮  
正曲 紅繡鞋 捲旗返轡驚惶韻 驚惶格 轉戈躍馬心傷韻 心  
傷格 急奔迅句 避虎狼韻 留殘喘句 回許昌韻合 看指日句

再兵張韻從下場門下火牌軍將官張先雷紀引張繡從上

場門上白 可恨曹賊未得捉獲典常已死曹昂曹安民陣亡

殺子之讐以結早辦回城再爲計議便了全唱

尾聲 沿途且自收旗杖韻 斂草集兵再酌量韻 可向那諸

路合軍萬匹強韻全從下場門下



鼎峙春秋

第三本卷之上

第五齣 投募借兵質玉璽

東鍾韻

生扮孫策戴盔穿出襪從上場門上白

王事方多難、家門可繼開、中原紛逐鹿、若箇是高材、中場說

椅轉場坐科白

吾姓孫名策、字伯符、未復深讐、痛父亡於流

矢、暫為淺計、奉母養而移居、髫年已竊聲名、壯志徒勞感慨、

雖然袁公路待以殊禮、但大丈夫、豈能久屈人下、

作仰視科

白 呀、你看月明如水、且向中庭步月、散悶一回、作起科唱

仙呂入雙  
角合套

北新水令

一輪桂魄徹長空

韻

照雄心悲涼惘惘

韻

胸

中常廓落

句海內結豪雄

韻想

父業垂隆

韻不能

毅

紹家聲

空悲痛

韻作痛哭坐科生扮朱治戴紗帽穿出租從上場門

上白

天邊遙見星三點月下驚聞哭一聲

作進見科白伯符

何故如此哀傷

孫策起科白呀原來是朱君理請坐有何見

教

左場設椅各坐科朱治白我想尊父在日多曾用我君今

既有不決之事何不問我

孫策白吾所哭者恨不能繼父之

志耳

朱治白呀原來為此何不告袁公路借兵

孫策作嘆科

朱治白伯符唱

仙呂入雙  
角合套

南步步嬌

鼎沸羣雄將戈弄

韻

袁氏兵強勇

韻

何妨一

詣公

韻借取熊羆

句洋洋軍衆

韻

挈旅往江東

韻

假名救

舅將鴻圖擁

韻副扮呂範戴紗帽穿出租從上場門上白

云袁氏傳家赫為愛孫即命世雄

作進見科孫策朱治各起

科白呂子衡來了請坐

右場設椅各坐科呂範白二公在此

所謀之事吾已畧知吾手下有精壯百人暫助伯符一臂之

力以為何如

孫策白若得子衡如此實喜出望外之事

呂範

白 二公方纔所云、欲向袁公路處借兵、只怕未能輕許、孫策

白 子衡不妨、我有亡父留下傳國玉璽、以此為質、唱

仙呂入雙角合套 北折桂令 想當年新莽謙恭、韻直到得篡逆西京、句索

璽稱兇、韻今日裡瑞應孫門、句愧無能世守、句為質要戎、韻

呂範白 伯符、汝將此物去賄他、好公路欲得此久矣、以此相

質、必肯發兵、唱管教他輕輕承奉、韻助君家得得成功、韻好

是奮鬣翔龍、韻振翮飛鴻、韻孫策白 天色漸明、不免竟往袁

公路處走遭、朱治呂範白 既如此、我等亦隨到轅門、聽箇消

息、就請同行、各起隨撤椅科、全唱此一去迅若雷霆、句問誰

行敢較雌雄、韻從下場門下雜扮八軍士各戴馬夫巾穿箭

袖、卒掛雜扮二家將各戴大頁巾穿箭袖、排穗引生扮袁術

戴金貂穿蟒束帶、從上場門上唱

仙呂入雙角合套 南江兒水 四世三公位、句一時兩傑雄、韻家聲卧雪人

傳誦、韻俠氣英風誰堪共、韻鷹揚虎視吾伯仲、韻中場設椅

轉場坐科、白 吾袁術、汝南舊族、幼舉孝廉、歷官後將軍、只因

國家多難、兄弟有隙、是以暫拒一方、試觀成敗、唱百二山河

騷動。韻合欲問王孫。句周鼎何輕何重。韻呂範朱治孫策從

上場門上白 萬里孤鵬潛燕侶、千年獨鶴逐雞羣、來此已是、

孫策向朱治呂範白 二位且在外邊等候、朱治呂範從上場

門下孫策白 門上有人麼、家將作出門科白 什麼人、孫策白

相煩一聲說、孫伯符要見、家將作進門虛白 稟科袁術白 道

有請、家將作出門引孫策進見科孫策白 明公在上、孫策拜

見、袁術白 伯符少禮、請坐、場上設椅作坐科袁術白 今日到

此何事、孫策白 敬啟明公、孫策因父讐未復、今母舅吳景、又

為揚州刺史劉繇所逼、老母家小、皆在曲阿、必將被害、是以

特來相懇明公、唱

仙呂入雙角合套北鴈兒落帶得勝令。鴈兒落全痛曩時襄陽父命終。韻今日

裏舅氏擔驚恐。韻寄棲的慈萱在曲阿。句怎禁得一霎遭兵

關。韻白策特來非為別事、敢借雄兵數千、渡江救難省親、恐

明公不信、有亡父遺下傳國玉璽、權留質當。作遞璽科袁術

白 取來待我看來、作看璽喜科白伯符、我非要你之玉璽、今

權留在此、君既有此大志也罷、我借兵三千、戰馬五百匹、平

定之後、可速回來、我表汝為折衝校尉、珍寇將軍、孫策白多  
蒙明公如此慷慨、若能遂吾之志、必然重報、袁術向家將白  
過來、傳令速點兵三千、隨孫將軍前去便了、家將應科從上  
場門下孫策白 明公請上、待我拜謝、作拜謝科唱得勝 呀。  
格 謝君家慷慨贈兵戎、韻 此一去壯軍容、韻 再不下泣黃昏  
英雄淚、句 好展却吐白紅烈士胸、韻 家將從上場門上白 衆  
軍齊集、雜扮軍士各戴馬夫巾穿箭袖卒裨執旗雜扮將官  
各戴大頁巾穿箭袖排穗執標鎗從上場門上白 兵行海岳

動、令出鬼神驚、作進見科白 主公、兵已齊集、專候指揮、袁術  
白 伯符、兵已點齊、你可領去、待你奏捷回來、自當奉賀、孫策  
白 就此告辭、各起隨撤椅科袁術白 伯符、我專候捷音便了、  
請、從下場門下家將軍士隨下孫策白 就此起兵前去、衆應  
作帶馬科全唱 融融、韻 拜辭了、輒把青絲控、韻 匆匆、韻 好準  
備挽強弧恣折衝、韻 從下場門下雜扮四軍士各戴馬夫巾  
穿箭袖卒裨引小生扮周瑜戴武生巾穿箭袖繫纓帶執馬  
鞭從上場門上唱

仙呂入雙  
角合套南僥僥令 廬江傳世業。句 知己馬牛風。韻白 吾周瑜字

公瑾、因叔父守丹陽、今特往省視、軍士就此前去、軍士應科

周瑜唱 惟有孫郎曾傾蓋。句合 佼佼傭中奚足雄。韻全從下

場門下軍士將官朱治呂範雜扮程普黃蓋韓當各戴盔紮

靠策馬引孫策從上場門上全唱

仙呂入雙  
角合套北收江南呀。格 一行旌旆亂搖風。韻 霜華電影閃刀

鋒。韻 花驄八尺六鈞弓。韻 盡赴赴氣雄。韻 盡赴赴氣雄。疊 瞬

息間 歷陽一望暮烟中。韻軍士引周瑜從上場門上作見孫

策科白 原來是伯符兄、各下馬作相見科周瑜白 領兵何往、

孫策白 到曲阿省親救難、欲建大業、今得公瑾、吾事諧矣。周

瑜白 小弟願効死馬之力、但吾兄欲濟大事、亦知江東有二

張乎、孫策白 何為二張、周瑜白 一人乃彭城張昭、一人乃廣

陵張紘、因避亂居此、這二人呵、唱

仙呂入雙  
角合套南園林好 張子綱韜鈴滿胸。韻 張子布機謀發衷。韻 倘

能盡傾心為用。韻合 抵多少夢非熊。韻 抵多少夢非熊。疊 孫

策白 既如此、即日令人賚禮往聘如何、周瑜白 但此二人、不

可以禮相招、必須造門親往、孫策白公瑾所言極是、明日竭誠親往徵聘便了、周瑜白如此甚好、各上馬衆全唱

仙已入雙角合套

北沽美酒帶太平令沽美酒全

建鴻圖霸業隆韻建鴻圖霸

業隆韻鞭指處奏膚公韻更喜得江左英才次第逢韻列隊

伍林林總總韻論兵法有家風韻太平韻休認做張騫鑿空

也不是翁孫屯種韻人絡繹摩肩接踵韻馬馳驅雲屯雷

動韻俺呵格今日裏心雄韻志雄韻况又催聲同韻氣同韻

呀格建奇勲善釣從衆韻

南尾聲 渭陽此日多憂恐韻排難真如无誘衷韻佇看俺

餽馬長江似渴虹韻全從下場門下

鼎峙春秋

第三本卷之上

第六齣 禱祠遇敵脫兜鍪

齊微韻

雜扮八軍卒各戴馬夫巾穿箭袖卒褂執兵器雜扮將官各

戴打仗盔穿打仗甲持鎗雜扮張英陳武各戴盔紮靠背令

旗雜扮太史慈戴紮巾額紮靠背靴引生扮劉繇戴金貂紮

靠背令旗龔蟒束帶從上場門上唱

中呂

菊花新

遙遙帝胄本宗支

韻

昆仲齊名重一時

韻

王室

漸貼危

韻

其奈羣雄虎視

韻

場上

設高臺椅劉繇陞座科白



下官姓劉名繇字正禮東萊牟平人也齊孝王之苗裔兄岱  
曾為兗州刺史吾因避亂淮濮蒙詔書以為揚州刺史目下  
袁術在淮南坐擁雄兵是以來治曲阿將丹陽太守吳景追  
逐適纔間得孫策借兵前來想必為伊舅報讐也張英聽令  
張英應科劉繇白  
你可帶領一校人馬前去禦敵太史慈白  
小將願為前部先鋒劉繇白  
你年尚幼未可為大將只在吾  
左右聽命還是張英前去張英應作持鎗上馬引四軍卒從  
下場門下劉繇等全唱

中呂宮  
正曲

剔銀燈 軍聲震雷轟電馳 軍過處雲黃塵起 料應

所向皆披靡 况孫郎童蒙孩稚 舉旗相持對壘

定擒渠凝眸望企 韻四軍卒張英從上場門賊上作進見科

劉繇白 張英為何如此光景 張英白 啟上主帥適纔正與孫

策交鋒忽然軍中大亂報說寨中有人放火小將急急回軍  
不想被孫策引軍前來乘勢掩殺所以敗回 劉繇作怒科白

你既為大將不能料敵籌機以致棄城敗北罪無可逃吩咐  
推出轅門斬首 軍卒作綁張英科陳武太史慈白 主帥請息

怒自古勝敗兵家常事、容當後効、劉繇白既如此鬆了紉、軍卒作放紉科張英虛白拜謝科劉繇白張英聽令你可屯守

零陸城、吾自領兵至神亭嶺下督戰、張英應科從下場門下

劉繇白大小三軍、可急隨俺前去者、作下高臺隨撤高臺科

劉繇作卸蟒乘馬衆遶場科全唱

又一體兵羅列、渾如奕棋、嚴號令、休教遲滯、鴈行魚

貫排成隊、齊挽著強弧、長矢、舉旗、相持對壘、定

擒渠凝眸望企、從下場門下雜扮八軍士各戴馬夫巾穿

箭袖卒掛執旗引生扮朱治副扮呂範生扮張紘張昭各戴

紗帽穿出租執馬鞭雜扮程普黃蓋韓當蔣欽周泰各戴盔

紮靠執馬鞭生扮孫策戴帥盔紮靠背令旗執馬鞭從上場

門上全唱

中呂宮好事近子子閃旌旗、跨下纛鞦韆、牢繫銜枚疾進、

神亭相對咫尺、韻孫策白來此已是神亭嶺、吩咐衆將官、就

在嶺北下營、衆應作安營下馬科場上設椅孫策下馬坐科

白近山可有漢光武之廟、張昭白就在半嶺、孫策白吾夜夢

光武召我相見，當往謁之。張昭白不可，嶺南就是劉繇之寨，

倘有伏兵奈何。孫策白不妨，神人佑我，吾何懼焉。惟帶十三

騎隨我上嶺，眾軍俱不必上去。程普黃蓋蔣欽周泰韓當等

從兩場門下，孫策等作出營乘馬，科隨撒椅。孫策唱：絲鞭輕

鞞。句陟崇椒，讀簡從躬親詣。韻合一行行灌水參天。句幾處

處長茵鋪地。韻作到科張昭白此間已是。孫策等作下馬進

廟科場上設香案桌。孫策白：世祖神靈在上，昨蒙見夢，特來

拜禱。孫策若能立業江東，即當重修廟宇，四時奉祀。作禮拜

科唱

又一體追思。韻草昧荆鴻基。韻一戰昆陽神異。韻推心置

腹。句造得中興統系。韻白禱告已畢，吾欲過嶺，探看劉繇之

寨。衆應作出廟隨撒香案桌孫策作持鎗上馬科唱：征鞍重

跨。句更攀躋，讀絕頂高無際。韻合前一行行灌水參天。句幾

處處長茵鋪地。韻場左設山孫策上山望科太史慈內喝科

白孫策休走，俺來也。孫策向張昭等白爾等且回，敵人我自

攬之。張昭等從上場門下孫策作下山科太史慈持鎗從下

塲門暗上作下山科孫策白 你是何人、太史慈白 我乃東萊

太史慈、特來擒你、作交戰科八軍卒八將官陳武引劉繇暗

上山作督戰科太史慈唱

中呂宮 正曲 千秋歲 疾如飛。韻 四足先於鳥。句 憑豪氣曾無趨避。韻

自許干城。句 自許干城。疊 一任你。讀 矯矯無雙國士。叶孫策

白 若不擒你、非為好漢、太史慈虛白戰科全唱合 山搖動、讀

城摧圯。韻 馬驕嘶、讀 人驚沸。韻 耀日戈鋒利。韻 看征雲冉冉、

陣雨淒淒。韻 戰科全作奪鎗下馬丟鎗揮打批袍科全唱

中呂宮 正曲 越恁好 騎亡矛落。句 騎亡矛落。疊 徒手怎相持。韻 渾如

兩虎。句 問馮婦更為誰。韻 將 戰袍征袖盡皆褫。韻 交相擅揚。

韻 孫策作抽太史慈短戟太史慈作掣孫策兜鍪科全唱合

一霎裏、讀 頭頂上兜鍪失。韻 一霎裏、讀 身背上旋抽戟。韻 戰

科 軍士軍卒從兩塲門上作圍遶科孫策太史慈全上馬合

戰科劉繇白 鳴金收兵、作鳴金科劉繇將官等從山上下孫

策太史慈等作收兵科全唱

中呂宮 正曲 紅繡鞋 鳴鉦暫偃牙旗。韻 牙旗。格 遙聞畫角頻吹。韻 頻

吹。格 回虎帳。句 坐臯比。韻 詰朝見。句 整戎衣。韻合 期執訊。句  
薄言歸。韻 孫策軍士從上塲門下太史慈軍卒仝作上山科

下隨撤山科

鼎峙春秋 第三本卷之上

第七齣 劫寨攻城觸暗矢 先天韻

雜扮一將官戴馬夫巾紫額穿打仗甲執令旗從上塲門上  
白

大小獨當三百戰、縱橫只用五千兵、自家劉刺史麾下將官、  
道纔奉命、恐孫策又來討戰、著我傳令各營將士、排列隊伍、  
整肅戎矛、以備不虞、就此傳令去者、正是、屏上舊圖魚腹陣、  
燈前新注豹韜篇、從下塲門下內奏樂雜扮八軍卒各戴馬

夫巾穿箭袖卒褂執旗雜扮八將官各戴打仕盔穿打仕甲  
持標鎗全從上場門上走勢科雜扮太史慈戴紫巾額紫靠  
背靴持鎗雜扮陳武戴盔紫靠背令旗持兵器引生扮劉繇  
戴金貂紫靠背令旗執馬鞭從上場門上雜扮一軍卒戴馬  
夫巾穿箭袖繫肚囊執蠹隨上全唱

正正  
曲宮

普天樂 棘門開齊簪弁。幕府張皆披練。兵威壯蜂

擁蟬聯。耳邊廂伐鼓淵淵。韻場上設平臺劉繇等作上平

臺科雜扮八軍士各戴馬夫巾穿箭袖卒褂執兵器引生扮

孫策戴帥盔紫靠背令旗持鎗挑小靴從上場門上雜扮一  
軍士戴馬夫巾穿箭袖繫肚囊執蠹隨上全唱合 鯨鯢待翦。

韻 軍聲欲動天。克敵長驅。讀停看振旌闐闐。韻作到劉營

科孫策白 太史慈快快出來受死。雜扮八軍卒各戴馬夫巾

穿箭袖卒褂執兵器引太史慈持鎗挑兜鍪從營門上孫策  
白 昨日太史慈若不是走得快已被我刺死了。太史慈白 孫

策的頭已在此還敢多言。作戰科軍士軍卒從兩場門下孫

策太史慈作交戰科從下場門下雜扮報子戴馬夫巾穿箭

袖卒裨執旗從上場門上作進營跪稟科白 啟上主帥今有

周瑜領兵襲取曲阿去了、劉繇白 知道了、吩咐收軍、眾應科

報子仍從上場門下軍卒引太史慈從下場門上作進營科

軍卒暗下太史慈白 我正要擒拏孫策為何收軍、劉繇白 你

不知、方纔報周瑜領兵襲取曲阿、吾家業已失、不可久留、速

往秣陵、會合薛禮之軍、急來接應、太史慈白 主帥言之有理、

劉繇白 眾將官、往秣陵去者、作下平臺隨撤平臺科眾全唱

正中 朝天子 返雕鞍錦鞵、捉絲鞭玉鞭、曲阿驀地生莪

變韻 孫郎卓犖、周郎妙年、况綢繆為姻眷、城危幾遷

韻 身輕一綫、韻合 黯然、韻亂紛紛、征塵撲面、韻 征塵撲面、疊

震如雷疾如電、韻 震如雷疾如電、疊作遠場科全從下場門

下軍士引眾扮程普黃蓋韓當周泰各戴盔穿靠持兵器引

孫策從上場門上執纛軍士隨上全唱

正宮 普天樂 聽鳴鉦旌旗捲、韻 設疑兵公牙偃、韻 憑勇敢執

銳挫堅、韻 運機謀拔幟爭先、韻 孫策白 劉繇聞得周瑜襲取

曲阿、無戀戰之心、正好劫營、眾將官、今夜分軍五路、長驅直

進、衆應科全唱合  
鯨鯢待翦。韻  
軍聲欲動天。韻  
克敵長驅。讀  
佇看振旅闐闐。韻  
從下場門下軍卒將官陳武太史慈引劉

繇從上場門上蠶隨上全唱

中呂  
朝天子  
裏餼糧載駢。韻  
戢干戈斂旃。韻  
咸池日浴天將

晏。韻  
馬羈備幹。句  
營開廣原。韻  
綠莎茵皆堪薦。韻  
劉繇白  
天

色漸晚、吩咐就在此處扎營、衆應科全唱  
依山傍泉。韻  
巡邏

須遍。韻合  
黯然。韻  
亂紛紛  
征塵撲面。韻  
征塵撲面。疊  
震如雷

疾如電。韻  
震如雷疾如電。疊  
從下場門下軍士程普黃蓋韓

當周恭引孫策從上場門上全唱

正宮  
普天樂  
柝聲遲知軍倦。韻  
鼓聲頻催軍戰。韻  
祇憑著勁

旅三千。韻  
又何須破釜沉船。韻合  
鯨鯢待翦。韻  
軍聲欲動天。

韻  
克敵長驅。讀  
佇看振旅闐闐。韻  
孫策白  
來此已是劉繇之

衆、衆將官就此劫殺者、衆應作衝營科劉繇太史慈陳武將

官軍卒從下場門迎上戰科劉繇等從兩場門逃下程普等

追下孫策太史慈戰科從下場門下劉繇從上場門上白  
罷

了罷了、悞被劫營、戰他不過、如何是好、孫策從上場門上白



劉繇那里走、作刺死劉繇科從下場門下韓當程普太史慈

從上場門上戰科從下場門下黃蓋周泰陳武從上場門上

戰作擒住陳武科軍士引程普韓當孫策從上場門上孫策白快

些放紮、衆作放紮科孫策白請問將軍姓名、陳武白小將陳

武、既蒙被擒不殺、自當許以驅馳、孫策白如此甚好、就拜為

校尉、充作先鋒、陳武虛白謝科孫策白且喜劉繇已死、傳令

就此攻打秣陵去者、衆應科執纛軍士從上場門暗上全唱

中呂朝天子 指金陵著鞭、韻望石城暮烟、韻信龍蟠虎踞言

非舛、韻羣峰聳翠、韻洪濤接天、韻想闐闐多關鍵、韻魚鈇秘

傳、韻龍韶期展、韻合黯然、韻亂紛紛征塵撲面、韻征塵撲面、

豐震如雷疾如電、韻震如雷疾如電、豐從下場門下雜扮八

軍卒各戴馬夫巾穿箭袖卒裨執兵器雜扮四將官各戴打

仗盔穿打仗甲持鎗引淨扮薛禮戴盔紮靠背令旗從上場

門上白 長江天塹雖堪恃、鍾阜山靈未可憑、中場設椅轉場

坐科白 下官薛禮奉命鎮守秣陵、聞得孫策領兵前來攻打、

衆將官、須要固守城樓、小心斥堠、不可稍有怠惰、衆應科薛

禮起隨撤椅科衆隨薛禮從下場門下左場設秣陵城軍士  
程普等引孫策從上場門上全唱

正官 普天樂 望垂楊輕於線韻 走驕驄形如練韻 縱饒有百

雄綿延韻 也無非螳臂當輓韻合 鯨鯢待翦韻 軍聲欲動天

韻 克敵長驅讀 佇看振旅闐闐韻 薛禮等暗上城科孫策等

作到城下科孫策白 城上的、可傳語薛禮知道、還不開城、早

早投降、衆將官速速與我攻城、衆應作攻城科薛禮持弓箭

射科白 看箭、孫策作中箭科薛禮等作下城下隨撤城科程

普等作扶孫策進場進營科中場設椅扶孫策坐科衆白 主

帥受驚了、孫策白 不妨、幸爾射中左脛、諸公不須憂慮、我今

乘機設計、令軍中詐稱我中箭身亡、舉哀掩寨、薛禮聞知、自

然輕敵而追、那時一鼓成擒、豈不易哉、衆白 主帥言之有理、

孫策白 就此掩寨起行、衆應孫策作起隨撤椅科執纛軍士

從上場門暗上衆作進場科全唱

正曲 朝天子 令軍中遍宣韻 使敵營信傳韻 齊桓假中夷

吾箭韻 深謀功運句 乘機用權韻 破孤城伊誰援韻 長江浪

批韻鍾山色變韻合黯然韻亂紛紛征塵撲面韻征塵撲面韻  
疊震如雷疾如電韻震如雷疾如電韻疊全從下場門下

鼎峙春秋 第三本卷之上

第八齣 伏兵擒將解征袍 江陽韻

雜扮八軍卒各戴馬夫巾穿箭袖卒褂執刀雜扮四將官各

戴打仕盔穿打仕甲執鎗雜扮張英陳橫各戴盔紫靠引淨

扮薛禮戴盔紫靠背令旗從上場門上全唱

仙呂宮風入松 金陵形勝兆興王韻論輿圖領要吳疆韻昨朝

正曲埋塊憑高望韻禦勅敵僕姑輕放韻合傳偵諜因創驟亡韻

真和偽尚參詳韻中場設椅薛禮轉場坐科白玉帳臨江近

金城鎮海遙，鼙聲朝動地，劍氣夜衝霄。適纔聞得孫策中箭已死，趁此機會，不可失時。張英陳橫聽令，張英陳橫應科薛禮白：你二人帶領人馬，隨我前去，務期迅掃餘孽者。起隨撤

椅科薛禮張英陳橫全作上馬科全唱

又一體 陳師鞠旅馬騰驤。韻謾言道兵不伐喪。韻空城縱

擊應難抗。韻乘敵衆殷憂譽。韻合豈姑麓高標女牆。韻張

聲勢閃光芒。韻薛禮白前面已是孫策之營，衆將官就此截

殺者。雜扮八軍士各戴馬夫巾穿箭袖卒裨執兵器雜扮程

普黃蓋韓當陳武周泰各戴盔紫靠持兵器引小生扮周瑜

戴盔紫靠背令旗持鎗生扮孫策戴帥盔紫靠背令旗持鎗

從下場門預上孫策白賊將休驚俺孫郎在此，衆作戰科從

兩場門下軍卒將官作陸續合戰科孫策作刺死薛禮科陳

武作刺死張英科周瑜作刺死陳橫科程普黃蓋周泰作殺

將官科孫策等作擒軍卒從兩場門上孫策白爾等可願投

降，軍卒白俱願投降，孫策白吩咐不許妄殺一人，降軍此入

隊伍，軍卒白多謝將軍，從兩場門下孫策白即命張昭先入

秣陵城安輯居民，就此移兵往涇縣，擒捉太史慈去。衆應科

仙呂宮 正曲

急三鎗，矢盡徒。句埋根進，摧枯樣。韻消能頃，讀至涇

陽。韻重整却。句貔貅旋，擒梟將。韻合不須呼庚癸，讀乞輸

糧。韻衆白：已到涇縣地界了。孫策白就在此處安營。衆應作

安營科軍士從兩場門下中場設椅，孫策下馬坐科白：吾欲

生擒太史慈，諸公有何主見。周瑜白啟上主帥，必須三面攻

城，只留東門一面，再令勇幹之士爬城放火，太史慈見城上

火起，必投東門而走，離城五十里，豫設伏兵，太史慈到彼馬

疲人倦，自然被擒矣。唱

仙呂宮 正曲

風入松，孤城三面集鋒鏑。韻攀雉堞，縱火騰光。韻管教

敵愾全淪喪。韻惟望著東門投向。韻雜扮八軍士各戴馬夫

中穿箭袖卒科執兵器從兩場門暗上。孫策白公瑾所言極

是，就煩足下帶領伏兵前去，必須生擒太史慈，不可傷命。周

瑜應科：軍士作帶馬科，從下場門引下。雜扮四軍士各戴馬

夫，中穿箭袖卒科執兵器從兩場門暗上。孫策白陳武聽令，

汝可帶領勇士爬城放火、陳武應科軍士作帶馬科從下場  
門引下四軍士從兩場門暗上孫策白 其餘將卒皆隨俺前

去攻城者、眾應科孫策起作上馬科隨搬椅眾全唱合 趁疲

敝伏兵奮揚、管束手持歸降、韻從下場門下雜扮八軍士

各戴馬夫巾穿箭袖卒褂執兵器引雜扮太史慈戴紫巾額

紫靠從上場門上全唱

仙呂宮 正曲 急三鎗 棄神亭、招軍馬、多精壯、欲恢復、舊封

疆、韻白 我太史慈自從被孫策劫營之後、我獨力難當、惟引

數十騎、連夜趕到涇縣、招得精壯二千餘人、欲與劉繇報讐、

又聞得孫策中箭詐死、攻破秣陵、移兵到此、眾將官須要小

心防守、眾應科全唱 命虎旅、登城堞、頻觀望、韻合 排戈

戟、讀 禦橈槍、韻從下場門下陳武四軍士引雜扮四軍士各

戴馬夫巾穿箭袖繫帶帶扛梯從上場門上全唱

仙呂宮 正曲 風入松 不分玉石燎崑岡、正城門失火魚殃、韻 熏天

一炬隨風颺、擒強敵易如翻掌、韻白 吾陳武奉命上城頭

放火、就此前去、眾應科全唱合 齊賈勇梯城跨牆、韻 人驚怖

走踉蹌。韻左場設城扛梯軍士設梯科仍從上場門下陳武

四軍士作爬城放火科下隨撤城科太史慈引八軍士從上

場門急上全唱

仙呂宮  
正曲

急三鎗。一霎時。騰烈燄。如天降。城垂破。枉隄

防。韻太史慈白。呀、你看城頭火起、兵圍甚急、如何是好、軍士

白。啟上將軍、三面攻打甚急、惟東門尚有隙處。太史慈白。如

此、我們竟從東門而出。場右作設東門城太史慈引眾作出

東門孫策引眾從上場門上作截戰科孫策等作佯敗科從

下場門下太史慈等追下隨撤城科軍士持絆馬索引周瑜

從上場門上全唱

潛部伍。藏刁斗。伏草莽。期生獲

讀。莫教傷。韻周瑜白。呀、你看此處有一片蘆葦、眾將官就此

在蘆葦中埋伏者。眾應作埋伏科孫策引太史慈從上場門

上戰科軍士用絆馬索作絆倒太史慈眾作擒住科白。太史

慈已擒。軍士從兩場門暗上孫策白。就此回營。眾應作遠場

回營下馬科孫策白。快些釋了縛。作解縛科白。子義受驚了、

作取錦袍科白。將此錦袍聊禦輕寒。太史慈接袍科白。敗軍

之將、不以釁鼓、死且不朽、情願相從、孫策白我知子義真士  
夫也、劉繇蠢輩、不能大用、以致此恥、神亭之戰、若公獲我、能  
相害否、太史慈白求可知也、全作笑科孫策顧左右白吩咐

差人、迎接老母諸弟、仍歸曲阿居住、軍士應科太史慈白劉

君新破、士卒離心、某欲自往、收其餘衆、以助明公、不識能相

信否、孫策白若得如此、策所願也、今日且請到後營、小宴洗

塵、明日再行未遲、太史慈白多謝明公、全唱

仙呂宮風入松 休讒蹈犬吠陶唐、韻慕徐宣歸命蕭王、韻投明

棄暗從來尚、韻感誠款設筵虎帳、韻合盡驩洽傳杯舉觴、韻

犒軍衆合烹羊、韻全從下場門下



鼎峙春秋 第三本卷之上

第九齣 曹操投書巧市恩

古風韻

雜扮四家將各戴大頁巾穿箭袖排穗引淨扮曹操戴嵌龍  
幘頭穿出襪束帶從上場門上唱

商調

三臺令

微名喜列三公

韻

柱國更堪梁棟

韻

勦滅衆英

雄

韻

把天下歸吾一統

韻

中場設椅轉場坐科白

尺地莫非

王土一瓦莫非王臣自家曹操是也聞得徐州牧陶謙年老  
不能治事將徐州讓與劉備執掌目今所慮者袁紹袁術呂布

耳、乃吾心腹大患、特喚荀彧出來、與他商議、左右、請荀先生出來、家將應作虛白請科生扮荀彧戴紗帽穿圓領束帶從

上場門上白

來了、機心通豹畧、決勝按龍韜、丞相拜揖、曹操白

荀先生請坐、場上設椅荀彧虛白坐科曹操白聞得徐州牧

陶謙、年老不能理事、把徐州要讓與劉備、我欲加兵伐之、况

大小袁呂布、患在心腹、先生如何處之、荀彧白學生有一計、

曹操白計將安在、荀彧白名為二虎競食、陶謙雖然有讓徐

州與劉備、必請命於朝廷、明公一發做箇人情、實封劉備為

徐州牧、修書一封、教他先擒呂布、劉備若不擒呂布、必為呂

布所害、若擒呂布、先除此一患、劉備亦可緩圖也、曹操白好

計、我就差人去、全起隨撤椅場上作設筆硯桌椅曹操入桌

坐作修書科唱

中呂宮正曲 剔銀燈 定此計委寔出奇、韻那呂布不防劉備、韻爭持

二虎須一斃、韻一死後盡堪除矣、韻合即時、叶將書投遞、韻

捧鸞章恩頒紫泥、韻荀彧唱

又一體、論劉呂難堪比擬、韻誰肯屈他人簷底、韻雙泉並

處多猜忌。韻那其間七人私喜。韻合即時。叶將書投遞。韻捧

鸞筆恩頒紫泥。韻全起出桌科隨撤桌椅曹操白即速差人

把計施。荀或白劉君未必識深機。曹操白一封丹詔徐州去、

全白管取他人旦夕危。全從下場門下家將隨下

鼎峙春秋 第三本卷之上

第十齣 陶謙讓收緣尊德 齊微韻

雜扮手下各戴鷹翎帽穿箭袖繫纓帶引外扮陶謙戴紗帽

穿蟒束帶從上場門上唱

南呂宮引臨江仙 少喜修文和講武。句老愁論是爭非。韻又防曹

操取城池。韻讓州尊有德。句束手欲無為。韻中場說椅轉場

坐科白五馬行春萬物甦。仁聲德政播江湖。曹瞞常有窺吾

意。彼丈夫兮我丈夫。下官徐州牧陶謙是也。今曹操自領兗

州牧、收黃巾降卒三十餘萬、常有窺吾之意、呂布亦有虎視  
之心、老夫年邁、二子尚幼、不能領此職事、吾聞劉玄德仁義  
兼備、吾想此州、非此公莫能領也、下官已差糜竺去請、倘若  
來時、徐州有主矣、雜扮糜竺戴盔穿圓領束帶從上場門上  
白 一使傳書忙且去、三人命駕資然來、作進見科白 小將回  
來了、陶謙白 劉玄德來也不來、糜竺白 隨後就到了、陶謙白  
來時通報、糜竺應科生扮劉備戴盔穿蟒束帶淨扮關公張  
飛各戴紫巾額穿出襪從上場門上劉備唱

又一體 仗義欲除奸與宄、句 何堪國勢傾危、韻 關公唱 若

逢對壘壯軍威、韻 張飛唱 莫忘桃園義、句 初經花縣回、韻 糜

竺作出門迎科白 列位少待、待我通報、作進門稟科白 稟老

爺、劉關張兄弟在衙門首了、陶謙起科白 有請、糜竺虛白作

引劉備等進門相見科劉備白 陶大人請上、待劉備拜見、陶

謙白 老夫年邁、有失迎接、久仰臺譽、今幸識荆、劉備作禮拜

科白 久欲造拜、未遂鄙懷、俯賜見招、冒干恕罪、兄弟過來見

了、關公張飛白 陶大人請上、待關某張飛拜見、作拜見科陶

謙白向日、關將軍斬華雄、杯酒未寒、賊將已斬、張將軍逼呂布閉關不出、真虎將也、關公張飛全白不敢、陶謙白請坐、場

上設椅各坐科陶謙白

曹操已恃兵多計巧、袁術呂布亦有

妄想之心、老夫年邁、二子尚幼、此城無主、惟使君賢昆玉足

以拒此三人、老夫情願讓與使君、徐州百姓得有庇蔭矣、伏

望使君、勿却幸感、劉備白未奉朝命、決不敢領此、陶謙白不

必更辭、老夫已有表章、奏達朝廷去了、唱

南呂宮  
正曲

宜春令 陶謙告、讀聽拜啟、讀此徐州人民久治、讀吾今

老矣、讀不忍生靈遭災異、讀那曹瞞毒似蛇蝎、句那袁呂狠

如鷹鷂、讀望明公、句慨然賜允、讀萬民沾庇、讀劉備唱

又一體 蒙台召、讀來此地、讀為賢侯扶危濟急、讀敢行代

替、讀請自安心休驚悸、讀那曹呂薄德之徒、句念劉備孤身

之輩、讀方州、句庸庸一介、讀敢輕撫治、讀陶謙作顧左右

科白取牌印過來、手下應科陶謙白 即今四海鼎沸、正丈夫

立功之日、徐州馬步軍卒十萬有餘、糧亦穀數年之需、可以

匡君濟民、使君切勿推辭、劉備白未奉朝命、決不敢受、陶謙

白我已差人、奏達朝廷去了、想此時也該來了、雜扮院子戴羅帽穿院子衣繫帶帶從上場門上白有事不敢不報、無事

不敢亂傳、作進門稟科白稟老爺知道、朝廷有詔書到來、各

起科隨撤椅陶謙白快排香案、關公張飛暗下雜扮儀從各

戴大頁巾穿箭袖排穗執儀仗引雜扮使臣戴紗帽穿圓領

束帶捧旨意從上場門上白一封丹鳳詔、飛下九重天、內奏

樂陶謙劉備作出門迎接使臣進門科使臣白聖旨已到、跪

聽宣讀詔曰、爾劉備仁慈素著、文武兼備、茲封鎮東將軍、領

徐州牧、關公拜左司馬、張飛拜右司馬、同心盡職、贊畫兵機、

各供乃事、毋替朕心、謝恩、內奏樂劉備作謝恩科使臣白請

過聖旨、劉備接旨付手下科白供奉龍庭、手下應科陶謙等

作相見科使臣作遞書科白還有曹丞相一封書在此、劉備

接書念科白呂布不仁、世之巨賊、若不討除、必成後患、務須

見機而作、千萬千萬、使臣白曹丞相專望回書、劉備白待我

就寫回書便了、場上設筆硯桌劉備入桌修書科白謹奉明

公尊命、備當用心奉行、奈呂布狼虎之徒、率爾難敵、蓋因兵

微將寡之故待王師一到當效犬馬之勞以報明公謹此奉  
覆不宣出桌科隨撤桌劉備白 天使大人書在此煩奉曹公

使臣接書科白 如此下官告辭了儀從引使臣仍從上場門

下陶謙劉備虛白送拜關公張飛暗上陶謙作笑科白 元德

公如今再沒得說了取牌印過來手下應取牌印科陶謙白

元德公請受了劉備接印科白 既如此老大人請坐待劉備

拜謝陶謙白 老夫為天子薦賢為百姓求士還該老夫拜謝

纔是反教大人謝於禮何當全拜科劉備唱

又一體賢州牧讀恁謙焉韻把名邦不傳子弟韻英賢國

士句恩德難忘於沒世韻陶謙唱 我今日方寄州城句公他

日明標丹陛韻陶謙唱合 待後句率旗斬將讀報公恩誼韻

陶謙白 請到後堂小酌劉備白不敢陶謙白 盛世巍巍棟

材劉備白 從今借步到三台關公張飛白丹心報國扶炎漢

全白 此把徐州讓俊才全從下場門下

鼎峙春秋 第三本卷之上

第十齣 袁術輸糧恐助臂

魚模韻

雜扮軍士各戴馬夫巾穿箭袖卒褂雜扮雷薄張勳陳蘭喬  
蕤揚大將各戴盔穿圓領束帶雜扮紀靈戴紫巾額穿蟒束  
帶引生扮袁術戴玉帽穿蟒束玉帶從上場門上唱

仙呂卜算子 代漢者當塗韻 讎締符公路韻 矧乃其先出自

宮引 陳句 潛號豈無故韻 中場設椅轉場坐科白 初聞小隊駐吳

江、忽漫花溪隱畫艘、細柳尚虛金鎖甲、前茅時緩碧油幢、孤



家袁術、坐擁淮南之地、兵精糧足、久有窺竊神器之心、况吾  
又大舜之後、前日河內張炯、微驗符命、正合吾懷、豈非天意  
乎、可恨孫策、借我軍馬起事、今日盡得江東地面、不思報本、  
昨日反差人致書索取玉璽、殊為無禮、吾欲以兵攻取、諸公  
以為何如、楊大將白孫策據長江之險、兵精地廣、未可圖也、  
莫若先伐劉備、以報前日無故相攻之恨、然後圖取孫策、未  
運、唱

仙呂宮  
集曲

園林醉海棠

園林好  
首至合

論形勢難先伯符

韻論申怨沛城

合圖

韻

輸菽粟密書齋布

韻

四至七句

既叨深賂

韻

懷吾

德肯為他助

韻

白

今呂布虎踞徐州、前次許他金帛糧馬、至

今未與、恐其助備、今當令人送與糧米、以結其心、使其按兵  
不動、則劉備可擒、備擒則布可圖、而徐州可得也、袁術白尤

將之言極是、吩咐立刻修書、即命張勳齎粟二十萬斛、速往  
呂布處下書、張勳應科從下場門下袁術起、隨撒椅科、衆全

唱

遣糧定謨

韻

于虞假途

韻

合至末句

休延佇

韻

莫教唇

齒相依

讀

狼瞻狼顧

韻

全

從下場門下雜扮

軍士各戴馬夫

巾穿箭袖卒褂引小生扮呂布戴紫金冠簪雉尾紫靠背令  
旗襲蟒束玉帶從上場門上唱

仙呂宮  
集曲

海棠令

首至三句

開幕府

韻

五原名將稱驍武

韻

向未

央前殿

讀

元惡曾誅

韻

馳輕騎破張燕

韻

功堪怙

韻

誰能並

誰能並

韻

闞如虓虎

韻

中場設椅轉場坐科白

韻

百戰曾無

韻

比、莫風日下聞

比、莫風日下聞、隼旗新刺史、虎劍舊將軍、吾呂布自從襲了

徐州、足可屯軍、以觀成敗、雜扮一將官戴馬夫巾紫額穿打

仗甲從上場門上白、啟上將軍淮南袁刺史、差都督張勳求

見、呂布白、快請進來、將官應作請科白張都督有請、仍從上

場門下張勳從上場門上白、虎帳護寒雲、敝日龍旗催曉浪

翻風、作進見科白將軍在上、小將張勳參見、呂布白都督少

禮、到此何事、張勳白小將奉主帥之命、道將軍連年攻戰、軍

糧必乏、今送米二十萬斛、非唯此止、當絡繹復致、有書呈上、

作遞書科呂布作接書展看科唱

仙呂宮  
集曲

令布東風

首至三

簡乍披淋瀝貫珠

韻

詞快讀殷勤觀

縷、韻筆无矯龍跳鳳翥

韻

三至末句

我從頭繹暗躊躇

韻

猶持首鼠。韻憑回使自應相許。韻白就煩都督復命致謝說

我深蒙厚貶，感愧相交，書中之言，一一如命，斷不肯曲護于

元德也。張勳白多謝將軍就此告辭。從下場門下呂布起隨

撥椅科唱黃石素書。韻穰苴陣圖。韻平生結習。讀問伊誰並

驅。韻全從下場門下雜扮軍士各戴馬夫巾穿箭袖卒褂引

雜扮孫乾戴紗帽穿圓領束帶淨扮張飛關公各戴紫巾額

穿出襪生扮劉備戴盔穿蟒束帶全從上場門上全唱

仙呂宮東風吹江水。沉醉東風類飄蓬曾無定居。韻惜流陰急

難留駐。韻况仁義比蓬蘆。韻安能恒處。韻場上設椅各坐科

劉備白由來勲業屬英雄，兄弟連榮列位同，先入賊營擒首

惡，盡封官庫讓元公，目下雖然屯兵小沛，不過窮猿投林，豈

暇擇水而已，非英雄用武之地也。雜扮報子戴馬夫巾穿箭

袖卒褂執旗從上場門上白啟上將軍，今有袁術遣紀靈為

大將，雷薄陳蘭為副將，統兵三萬，前來進攻小沛。劉備白知

道了，報子仍從上場門下劉備白列位有何高見，能退敵兵，

張飛白這有何難，待我帶領一支人馬，橫衝直撞，管教敵兵

喪膽而逃、孫乾白不可、今小沛糧寡兵微、如何抵敵、可修書、  
告急於呂布為上、張飛白那厮如何肯來、劉備白乾之言善、  
待我即刻修書、就差你往呂布處投遞便了、孫乾應全作起  
隨搬椅科劉備唱六江兒水  
驀地佳兵贖武、韻合試效平原。  
句知無忌可能急赴、韻全從下場門下

鼎峙春秋 第三本卷之上

第二十齣 紀靈鞠旅輒搖心

真文韻

雜扮軍士各戴馬夫巾穿箭袖卒裨執旗雜扮城霸却萌成  
廉魏續各戴馬夫巾紫額紫靠引小生扮呂布戴紫金冠簪  
雉尾紫靠背令旗從上場門上唱

仙呂調 雙曲

點絳脣 祭戟排門、韻 檐帷連軫、韻 推雄鎮、韻 控轄三軍。

芻粟都充物、韻中場設椅轉場坐科白三十年前學六韜、

英名常得預時髦、曾因國難披金甲、不為家貧賣寶刀、前日

莫公路送來投書，囑我按兵不動。誰想劉元德又遣孫乾致書求救，吾想元德屯軍小沛，未必遂為我害。若袁術併了劉備，則北連泰山，將以圖我，我則不能安枕矣。為此帶領軍眾，往救元德。眾將官就此起程，往小沛去者。起隨搬椅雜扮一軍士戴馬夫巾穿箭袖繫肚囊執纛從上場門上。呂布作上馬科。眾女唱。

中呂宮正曲 馱環著集師徒拯困。韻 集師徒拯困。疊 小沛鋪敦。韻 步卒前馳。讀 馬隊徐進。韻 子子干旗畫隼。韻 回首徐州。句 杳靄

曉烟中。讀 沛城將近。韻 非關我食言違信。韻 惟恐是養癰畜衅。韻 呂布白眾將官，此去沛城不過一里之遙，吩咐就在此

處安營。眾應全唱合 郊原廣。句 虎旋陳。韻 且左袒劉家。讀 市恩周窘。韻 從下場門下雜扮八軍卒各戴馬夫巾穿箭袖卒

褂執兵器雜扮四將官各戴打仗盔穿打仗甲持鎗引雜扮紀靈戴紫巾額紫靠背令旗乘馬雜扮一軍卒戴馬夫巾穿箭袖繫肚囊執纛從上場門上全唱

又一體 執戈矛直進。韻 執戈矛直進。疊 螳簇蜂屯。韻 諒小

沛區區讀敢觸吾軍韻况又輸糧結恩韻應閉戶坐觀按刃韻

靈飄颻是何處人馬一軍卒白從元帥隱隱看去是温侯的

旗號紀靈怒白噫前日受吾主帥厚惠許以不助劉備今日

設兵于此必有懷兩端觀望之心實為可恨我即便差人前

去責讓其非看他如何對我眾將官就在東南平曠之處安

營眾應全唱合想懷機變句翻覆頻韻背惠食言讀自相矛

盾韻從下場門下雜扮八軍士各戴馬夫巾穿箭袖卒裨執

兵器引淨扮張飛關公各戴紫巾額紫靠從上場門上全唱

中呂宮正曲別銀燈感知已填篋等倫韻推國士死生忠信韻難兄

難弟皆英雋韻合禦侮殷憂方寸韻逡巡韻詒書瀝懇韻

雖輕諾中心尚忖韻龍之光照耀蛇陣勢縱橫都尉萬

人敵將軍一鳥輕關公白不意袁術欲報前讐遣紀靈等統

兵三萬來攻小沛大哥慮兵微糧少故求援於吕布適纔聞

得紀靈之兵將次臨城正在躊躇之際恰值奉先遣人來請

大哥赴譙不知何故是以猶豫不決三弟以為何如張飛白

二哥、你也威過慮了、難道呂布忘了虎牢關之戰、還不怕你  
我的威風麼、既然邀飲、豈有不去之理、只須我緊緊保護、倘  
有變動、殺他箇棄甲而逃、又何懼哉、關公白三弟之言甚壯、  
我在城中、再吩咐諸將、小心固守、三弟帶領勇士、保護大哥  
前去、全唱

又一體、任商鞅筵前伏軍、韻憑項羽鴻門潛釁、韻此行冒  
險須加脊、韻管趙璧歸來無損、韻合逡巡、韻詒書瀝懇、韻雖  
輕諾中心尚付、韻全從下場門下

